

روح الصلاة | التربية الإيمانية درس ٩ | فاضل سليمان

فاضل سليمان

عباد ربنا الموحدين هم دول النجوم. محاضرة النهاردة بقى محاضرة اللي هيركز فيها وهيتدرب بعد كده عليها ممكن تغير حياته تماما المحاضرة دي اسمها روح الصلاة. روح الصلاة والحقيقة بدل ما هندي محاضرة احنا هنصلي ركعتين مع بعض. دلوقتي احنا هنصلي ركعتين مع بعض - [00:00:00](#)

ما تقلقش. مش هاقومك تتوضا تاني لو انت كنت يعني نقضت وضوءك ولا حاجة. احنا هنصلي ركعتين في خيالنا هنتخيل نفسنا بنصلي ركعتين. وهنتدبر كل كلمة وكل حركة بنعملها في الصلاة. عشان نشوف الفرق - [00:00:40](#)

بين الطريقة اللي بنصلي بها وبين الطريقة اللي المفروض نصلي بها. بامانة ده موضوع انا اخترته لقيناه من الاخر ما بنصليش احنا بنقوم نقف وبعد كده بنوطي ركوع وبعد كده بنسجد بعد كده بنقعد - [00:01:07](#)

لكن دي مش صلاة. دي مش صلاة. بس سميها بقى وقوف ركوع سجود قعود. تمارين. تمارين. صح. تمانين كالوريني كالوري مفيدة برضو يعني. لكن الرسول عليه الصلاة والسلام بيقول ليس للمرء من صلاته الا ما عقل - [00:01:29](#)

قال منها اللي تدبره الشيخ محمد عبداللطيف وهو بيقرأ بنا ويختار الايات ويفسر كلمات ويفسر الحروف من بعضها. الواحد بيستطيع انه يتدبر لكن لو وصلني الايات في بعضها وخدني بسرعة وقرا لي حجر في الصلاة عشان نلحق الجلسة. ايه ده -

[00:01:49](#)

هي دي طريقة الصلاة. انا بستمتع جدا بالصلاة هنا ورا الشيخ محمد بصراحة. بامانة يعني ما بلاش والله عشان حاجة بس فعلا آآ مش لاني باحبه لكن فعلا انا بستمتع بالصلاة معك. انت دلوقتي لو دعيت انك تزوح تقابل شخص عظيم - [00:02:16](#)

حد كبير منصب كبير رئيس مجلس ادارة شركة كبيرة. هتروح ازاي؟ تلبس احسن حاجة عندك تخش تاخذ دش كده وتروح وحاطط ريحة وحاطط بتاع. مش هتروح بالبيجامة يعني. مش هتروح - [00:02:36](#)

بفانلة. اه. شكرا يا دكتور. طب انت بتصلي ازاي؟ اهتمامك بالصلاة قايم تصلي المغرب مسلا. احساسك انك رايح تعمل ايه؟ حاجة عادية. حاجة بتتعمل على طول كل يوم مش احساسك انك رايح تقف بين ايدين ربنا. لذلک عايزين نفهم النهاردة اية خطيرة -

[00:02:56](#)

هي اية ما قدروا الله حق قدره. هو ده الاحترام اللي بيديه لربنا ما قدروا الله حق قدره قارن بقى استعدادك لمقابلة الشخص غني او عظيم استعداداتك للصلاة قيادتك للوقوف بين ايدين ربنا. عشان تفهم ما قدروا الله حق قدرك. وخلي بالك - [00:03:24](#)

انت دلوقتي رحت واقف معه بتتكلم مع هذا الشخص العظيم. تبقى مركز في كل كلمة بيقولها ولا لا واخذ بالك قوي هو بيقول ايه؟ وعارف كويس قوي انت بتقول له ايه؟ لكن هتبقى قاعد معه وسرحان - [00:03:59](#)

هو عمال يتكلم قدامه او بتكلم وانت مش داري انت بتقول ايه مش هيحصل ما قدروا الله حق قدره بص انت وانت واقف بين ايدين ربنا بتبقى عامل ازاي؟ عقلك وقلبك مشغول - [00:04:17](#)

ازاي؟ انت وانت قاعد مع واحد مسلا رئيس وزارة ولا وزير ولا رئيس جمهورية ولا ملك هتبقى مخك مشغول بحد اقل منه آآ رئيس حي مصر الجديدة مسلا؟ لأ أنت واقف مع واحد اكبر بكتير - [00:04:37](#)

طب ليه وانت واقف بين ايدين ربنا وفي المقابلة المهمة دي عقلك وقلبك مشغول كل حاجة تانية غير ربنا. مش هنضحك على بعض يا جماعة. خلونا نخش في الصلاة. الله اكبر. ونبدأ - [00:04:57](#)

بنخطط نخطط بقى لحياتنا ابتداء من بعد الصلاة فورا لغاية ثلاثين سنة قدام. الله اكبر بعد الصلاة عايز اروح اشتري من السوبر ماركت الليسته اللي مراتي حطها لي في جيبي وانا بكرة محتاج ازاكر - [00:05:17](#)

كويس عشان احنا عندنا امتحانات كزا. يا سلام لو اعمل دكتوراه في مش عارف ايه. ياه عايزين نغير العربية. ياه ده فيه شقق بتتباع في التجمع. ياه مش عارف ايه! عايزين - [00:05:37](#)

نفسى يبقى عندي حاجة بعد ثلاثين سنة افاجأ السلام عليكم ورحمة الله. السلام الامام خلص صلى كم ركعة؟ اكيد اربعة ما عدا العشاء يعني. ارى ايه في يوم قرآن طب منين يعني؟ خلاص بقى. ربنا ستار. ما قدروا الله حق قدره - [00:05:47](#)

هو ده اللي بنقوله ازاى تبقى واقف بين ايدين ربنا وقلبك مشغول وعقلك مشغول بكل حاجة غير ربنا ده اللي بنقوله. ده اللي احنا عايزين نغيره بقى فينا. هو ده بقى اللي اخونا قال. الصلاة بتتحول الى - [00:06:16](#)

فايدة واحدة بس بتحرق خمسين كالوري ميت كالوري وخلصنا كده. ما فيش اي فائدة تاني الا شوية تمارين رياضية بنعملها وخلص. الصلاة يا جماعة لو قسمناها الى اعتبرنا ان الصلاة دي بني ادم - [00:06:35](#)

جسد وروح هيصبح جسد الصلاة هي الحركات اللي احنا بنعملها. والكلمات اللي احنا بنقولها بلسانا ده الجسد انما روح الصلاة هتبقى هي الخشوع الصلاة بدون خشوع جسد بدون روح. جسد ميت - [00:06:52](#)

الرسول عليه الصلاة والسلام بيقول ان الصلاة نوعين الصلاة بعد ما صاحبها يصلحها ترتفع في شكل جميل زي ما يكون هدية ملفوفة ويتساءل الملائكة طالعة بها ايه الشيء الجميل ده؟ فيقولوا لهم هذه صلاة فلان. او هذه صلاة - [00:07:26](#)

فلانة او صل بعد ما صاحبها يخلصها تتلف كالثوب الخلق. يعني زي الثوب المقطع المبهدل الدايب. وتلقى في وجه صاحبها. ترد الصلاة لها دور. دور الصلاة في حياتنا انها تخلينا بعدها نشعر بنفسنا اقوى من الاول واضعف من الاول - [00:07:50](#)

يعني بعد الصلاة اشعر اني اقوى واشعر اني اضعف ازاى؟ انا باصلي وباقف بين ايدين ربنا طيب اذا اشعر ان انا مع الله لم اخاف من احد ابدا الا الله. فاشعر اني قوي بهذه الصلاة وبمعية الله - [00:08:25](#)

وفي نفس الوقت انا بقف ايدين ربنا اللي خلقتني واللي هيحاسبني اللي ما حدش هيقدر ينجيني من عذابه الا هو فلن اظلم احدا لاني اشعر بضعفي في جنب الله. فالصلاة لها دورين هنا. دور ما تخليك قوي لا تخاف - [00:08:51](#)

من احد ودور انها تحسسك بضعفك فلا تظلم احدا في الصلاة تنهى عن الفحشاء والمنكر بهذا المعنى انها تغير منك. كل صلاة المفروض انها تتغير منك للافضل. رايح ميتنج. بتروح - [00:09:20](#)

في دعوة كارت دعوة او بتيجي لك او ايميل جا لك دعوة الصلاة مقابلة بتروح تقف بين ايدين ربنا فيها بدعوة المؤذن وهو بيؤذن. لما بيقول حي على الصلاة. يعني تعال صل - [00:09:42](#)

تعال حي على الفلاح تعال هو ده النجاح هنا دي دعوة جتك. اتفضل. انت بتروح. بس قبل ما تروح بتستعد. استعداد ازاى؟ يعني ممكن تقوم تاخذ دش مش هتاخذ دش طب اغسل وشك. وايدك ورجليك وامسح شعرك - [00:10:07](#)

ايه ده ففي استعداد خارجي بيتم. تلاقي هدوم نظيفة مش هدوم عليها نجاسة صح؟ تستعد استعداد خارجي. لو انت اللي بتحدد مكان المقابلة بتحدد مكان نظيف طهارة الثوب طهارة البدن طهارة المكان. شروط الصلاة. ده استعداد خارجي زي ما بتستعد لاي مقابلة - [00:10:36](#)

انما ما بتستعدش في هذه المقابلات استعداد داخلي. لان الناس اللي انت بتقابلها مش مطلعة على شرك مع ربنا لازم تستعد ايضا داخليا. لان ربنا مطلع على شرك. تقف كده عشان تصلي نصف جوة بقى كمان - [00:11:05](#)

مش هينفع تقف تصلي وانت جواك حقد او غل او كراهية فانت ربنا مطلع على عنلك وعلى شرك نصف جوة كمان. وعشان تصلي بتتوجه نحو قبلة. اشمعنى؟ ما تصلي في اي حطة وخلص. دي مش شبهات - [00:11:25](#)

حول الاسلام على فكرة ان المسلمين آآ آ وثنيين بيعبدوا الاصنام. يقول لك اه صحيح انتم في فتح مكة حطتم الاصنام بس مش كلها. سبتم الكبير المكعب في الكعب دي مش شبهات على فكرة. ولا تبص كده على اي مسلم لما يدخل اي غرفة في فندق. اول حاجة

يعملها ايه؟ يقعد يفتح الادراج - 00:11:55

ويدور على المرايات ويشوف بس اي سهم مرسوم في اي حطة بيدور على القبلة. ما تصلي في اي حطة وخلاص. فدي من الشبهات حول الاسلام ان المسلمين يعبدوا الكعبة. احنا ما بنعبدش الكعبة. الكعبة ليست صنما يعبد. الكعبة - 00:12:25

نؤمن انها لا تضر ولا تنفع يبقى ازاى بنعبده؟ دي لا بتضر ولا بتنفع. الله! او مال الكعبة عبارة عن ايه؟ الكعبة هي اول بيت وضع للناس اول بيت للعبادة على وجه الارض - 00:12:45

النهارة الكعبة لها دور خطير في حياتنا وهي انها بتوحد المسلمين في دوائر حولها عند الصلاة وهذه الدوائر بتكبر تكبر توسع توسع لغاية ما تفرش على وجه الارض - 00:13:05

فاحنا النهارة صلينا هنا مسلا عشر صفوف عشر خطوط مستقيمة لأ. دي عشر مقاطع من عشر دوائر حول الكعبة. دي مش خطوط مستقيمة بس انت شايفها خط مستقيم عشان ده مقطع صغير اوي. فالكعبة توحد المسلمين حولها. في دوائر - 00:13:30

تتسع حتى تغطي وجه الارض فاقف اصلي لوحدي. منفرد اقول ايه؟ اياك نعبد واياك نستعين. ما قلش اياك اعبد واياك استعين. ليه اصلي لوحدي لأ ما هو ده قرآن مش هنغير القرآن الا كان ممكن ربنا كان يعمل لنا آآ - 00:13:56

قاعدة زي كده هتصلي لوحك قل اياك اعبد واياك استعين لكن لأ برضه بتتكلم برضو بتتكلم بصيغة الجمع ليه مش لوحك. انت في دائرة مع مسلمين ومسلمات بيصلوا معه. صحيح مش واقفين جنبك - 00:14:24

لكن يمكن يكونوا على جبل. ممكن يكونوا على مركب. ممكن يكونوا في الصين. ممكن يكونوا في الدنمارك. فالكعبة تشعرك بعالمية هذا الدين وبالاخوة في هذا الدين. كل مرة وانت رايح تصلي حتى لوحك - 00:14:44

استشعر عالمية الاسلام واخوة الاسلام داخل تستقبل القبلة هنصلي بس في حاجة احنا عايزين نغير من صلاتنا بقى. زي ما غيرنا من طريقتنا في قراءة القرآن وبقينا بنقرأ بتدبر وبقيت اذكارنا بتدبر - 00:15:04

كمان الصلاة لازم تبقى بتدبر وبخشوع. ايه المشكلة؟ المشكلة ان فيه اشياء بتدخل في شتتنا واحنا بنصلي اتشتت كثير اوي بنسرح كثير اوي طب انا عايز مسرحش كثير هيجصل سرحان. لكن يقل وعايز استشعر الخشوع - 00:15:25

يبقى لازم تستحضر الخشوع. حضره. هاته قبل ما تصلي ازاى؟ حاجتين. قال لك اول حاجة تخيل نفسك مت وانك بتبعث دلوقتي وانت رايح كده هو متوجه للقبلة انت استخير ان قدامك الصراط وانك هتعدى عليه - 00:15:50

وعلى يمينك اهي الجنة بنعيمها. وعلى شمالك النار بكلالها اللي عايزة تطلع تخطفك وتنزل بك فاستشعر الموت والبعث يخليك تستحضر الخشوع. ماشي. بس برضو الدنيا فيها حاجات كثير فلوس نكسبها شغل دراسة اشياء دنيوية عربية عايز يغيرها بيت عايز اجيبه ما الحاجات دي برضو - 00:16:17

حين تستحضر عظمة الله بقى يعني ايه؟ يعني تعرف ان كل اللي انت بتقوله ده القيمة الحقيقية بتاعته هي صفر ربنا سبحانه وتعالى بيقول في سورة الكهف وان لجاعلون ما عليها - 00:16:54

عيدا جززا. كل حاجة على وجه الارض هتبقى تراب خشن. الربل. عارف انت لما عمارة بتقع عمارة الموت اللي وقعت في آآ عند مستشفى يليبوكس من حوالي خمستاشر سنة بقت ايه؟ تراب - 00:17:21

ابو لهب بدقيقة قبل ما تقع كان جواها ايه؟ مجوهرات كان تحتها عربيات فخمة. ومرة واحدة كله بقى ولا حاجة. انقاض اذا كل اللي حضرتك جاي يشتركك ده. ان كان فلوس حسابات بنوك. شركات دراسات. كل حاجة من دي حقيقتها صفر - 00:17:40

اذا قارنتها بالله سبحانه وتعالى. يبقى قبل ما تبدأ كده هات بقى كل الحاجات اللي ممكن تشتتك حطها في ايديك اهي فلوس مجوهرات ذهب عربية تخيلوا كله كده في ايديكم وقم راميها وراهك - 00:18:09

قل الله اكبر. تكبيرة الاحرام. المقابلة بقت بعد ما رميت كل حاجة وراهك كده انت دلوقتي ابتدى. انت دلوقتي واقف بين ايدين ربنا مستحضر الخشوع ومستحضر ان كل حاجة ممكن تيجي تشتتك - 00:18:30

لا قيمة لها بدأ اللقاء اي لقاء في الدنيا ببدا بياه تحية مين بيحيي مين؟ الصغير يحيي الكبير. الضعيف يحيي القوي. انت تتوجه الى

الله بالتحية دعاء الاستفتاح بصيغته الكثيرة منها صيغ بسم الله وجهت وجهي للذي فطر السماوات - [00:18:58](#)
والارض بتتوجه بالتحية لله. ثم بعد ذلك تستغيث زي بالزيت اللي فيه بلطجي بيجري وراه عايز يموته ولقى حد يحميه رجل شرطة
او غيره ابدأ على طول بالاستنجاد. بالاستغاثة. اعوذ بالله من الشيطان الرجيم. تستغيث - [00:19:26](#)
من البلطجي اللي هيحاول يشتتك في الصلاة. ثم تبدأ بسم مين؟ انجلترا باسم الملكة مجلس الشعب كان زمان يقولوا باسم الشعب
بسم الله اخيرا الحمد لله. بسم بسم الله الذي في حضرته - [00:19:56](#)

تسكت كل الاصوات. الذي في حضرته تذوب كل الفوارق الذي لا فرق في حضرته بين وزير وغفير. ما فيش. ملك وصلوك. ما فيش.
بسم الله الرحمن الرحيم ثم تبدأ تقرأ الفاتحة. زمان كنا بنقرأ الفاتحة ازاى؟ الله - [00:20:26](#)

فكان ده نزام. لكن لا. فيه كثير جدا في الفاتحة علينا ان احنا نتدبره ده ربنا الزمنا بالفاتحة من دون كل القرآن انها لازم تقراها هي ولا
صلاة بدون ام الكتاب. لانها ملخصة القرآن كله. ده الانترودكشن بتاعة القرآن دي مقدمة القرآن - [00:21:03](#)
فاتحة الكتاب الحمد لله رب العالمين. لا استنى. خدني كلمة كلمة. الحمد لله. استنى بس على ايه؟ فكر في نعم ربنا الحمد لله نعم ربنا.

الصحة الفلوس جمال الزكاء نعم ربنا علينا كثيرة. فكر في نعم ربنا عليك بس فكر في اهم نعمة من نعم ربنا - [00:21:31](#)
نعمة الاسلام انك مسلم ان ربنا هداك للاسلام او انك ولدت مسلم. هذه نعمة كان زمانك دلوقتي بتعبد بني ادم. البوذيين بيعبدوا بني
ادم. المسيحيين بيعبدوا بني ادم جميل. بس ايه المشكلة؟ انه لا يستحق العبادة. بس. لا المسيح ولا سيدنا محمد -

[00:22:04](#)

ولايني ولا اي بشر يستحق العبادة. لا يستحق العبادة الا الله دي نعمة من الله ربنا سبحانه وتعالى خلق في الدنيا دي مخلوقات

وشرحنا الكلام ده قبل كده خلق مخلوقات - [00:22:37](#)

غير حية زي مسلا المية والتربة وخلق مخلوق اعلى منها في الرتبة. النباتات وخلق مخلوق اعلى منها في الرتبة. الحيوانات وخلق
مخلوق اعلى منها في رتبة وهو الانسان. وجعل الله سبحانه وتعالى - [00:22:56](#)

النظام كالاتي كل مخلوق في خدمة المخلوقات الاعلى في الرتبة لا العكس فالماء والتربة يخدم النبات ويخدم الحيوان ويخدم
الانسان مش العكس. النبات يخدم الحيوان ويخدم الانسان والحيوان يخدم الانسان بناكل الحيوان وبنشرب لبن الحيوان وبنلبس جلد
الحيوان صح - [00:23:18](#)

والانسان يعبد ربنا. فالاسلام فقط يضعك على اعلى قمة هرم مخلوقات عبد لله وكل شيه في الكون مسخر لك اما الكفر فيه ذل

للانسان. لو انا هعبد انسان هنزل في الرتبة عشان عبود انسان. هعبد - [00:23:52](#)

حيوان مليار بني ادم في الهند بس بيعبدوا حيوانات عود البقر هنزل في الرتبة عشان عبود حيوان. الهم الا كالانعام بل هم اضلوا
سبيلا وفي اللي بيعبد صنم واللي بيعبد حجر واللي بيعبد نبات واللي بيعبد نجوم واللي ما بيعبدش خالص. الاسلام يضعك في اعلى

قمة - [00:24:23](#)

المخلوقات انت الخليفة خليفة الله في الارض اللي مسؤول عن اعمار الارض واقامة العدل الحمد لله على نعمه كلها الذي اعلمها والتي
لا اعلمها لان فيه نعم لا نشعر بها الا عند - [00:24:51](#)

ذهابها عند فقدها سألنا الناس اللي كانت بتجمع النعم. واحد جمع تمانين نعمة سألته منهم البلع لأ ليه؟ عشان زوروا ما وجعوش في
الاسبوع ده. لو كان زوره وجعه كان عرف قيمة نعمة البلد. فبتحمد ربنا الحمد لله على نعمه التي - [00:25:17](#)

والتي لا اعلمها وعلى نعمة الاسلام بقى لنا خمس دقائق بنشرح بس بالحمد لله وبتدبر الحمد لله. الحمد لله رب. مش اله رب. رب

بمعنى التربية والعطاء الرب هو اللي اللي بيخلي باله اللي بيرعى اللي - [00:25:37](#)

تعطي اللي بيمنح رب العالم مين؟ مش العالم عالم الانس وعالم الجن وعالم الملائكة وعالم الحيوان وعالم النمل وعالم الفيلة وعالم

كل هذه العوالم الله سبحانه وتعالى هو ربها - [00:26:09](#)

اللي بيعطيها اللي بيسيرها بيسير امورها بيسير امورك انت ربك ايه اللي مزبطك؟ انت وانت قاعد دلوقتي ما انتاش عايل هم قلبك

يقف. عمرك فكرت؟ يا نهار ابيض ده قال لي يقف دلوقتي يعمل ايه؟ لا ما تخافش. هو حايش عنك دي ما انتش عايل - [00:26:28](#)
الكلى بتاعتك يحصل لها حاجة وتقف دلوقتي. هو مزبط دي! هو اللي عامل لك الايه الصيانة بتاعتك. ربك ورب كل العالم في نفس
الوقت اللي مزبط لك نزامك دلوقتي مزبط نزام كل واحد تاني في المسجد مزبط نزام كل واحد في العالم - [00:26:54](#)

اللي بينكر وجوده مزبط نزام السمك اللي في الانهار. ما تخافوش على حاجة. كله رزقه موجود. الطيور رب العالمين الرحمن الرحيم.
نعمة كمان اهي ما كناش هو انه اختار الاسمين دول من اسمائه الحسنى عشان يبقوا في الفاتحة - [00:27:14](#)
والزمك تتذكر سبعتاشر مرة كل يوم على الاقل في السبعتاشر ركعة انه رحمن رحيم وكان ممكن جدا يكون فيه اسمين تانيين زي
الجبار المنتقم تخيل بقى كتبقي الفاتحة كده. بسم الله الرحمن الرحيم. الحمد لله رب العالمين. الجبار المنتقم. تفتكرها سبعة -

[00:27:44](#)

سبعتاشر مرة غصب عنك كل يوم. كت هتبقى حياتك صعبة اوي. لكن ربنا الزمك انك تتذكر انه الرحمن الرحيم. سبعتاشر مرة كل
يوم. عشان ده اثره عليك خطير. اسمين من مصدر واحد راح م. طب ما كان كفاية واحدة. تبقى الفاتحة كده. الحمد لله - [00:28:09](#)
رب العالمين الرحمن مالك يوم الدين او الحمد لله رب العالمين الرحيم مالك يوم الدين لأ الرحمن الرحيم. اسنين من مصدر راح م ليه
التكرار؟ لان ذنوبك تتكرر فكما ان ذنوبك تتكرر رحمة الله تتكرر - [00:28:39](#)

اخ قبل الصلاة بيقول لي. غلظت هذا الاسبوع وعملت حاجة حرام وتبت وبعدها بيومين عملتها تاني حرام. قلت له تب تاني وتالت.
ورحمة ربنا بتتكرر. وانت ذنوبك بتتكرر الرحمن الرحيم. نعمة والله من نعم ربنا. ما كناش بنانيين بها. ما تتكلش عليها قوي -

[00:29:06](#)

كده انه ما لك يوم الدين. اتتذكر ان هناك يوم الدين وان هناك بعث وان ان هناك جنة وان هناك نار وان هناك حساب ولا تظلم احدا
ذنوب نوعين ذنوب بينك وبين الناس وذنوب بينك وبين الله - [00:29:33](#)

اللي بينك وبين الله بيسامح فيك. اذا انت استسمحته واستغفرته. انما اللي بينك وبين الناس يجب ان هم يسامحوك كل واحد زلم
حد لازم يستسمحه وفي ذنوب بقى ايه مش هتعرف تجيب الناس اصلا تستسمحهم. اللي دخلت قدامه في طابور العيش وخذت
دوره هتجيبه منين عشان تستسمحه دلوقتي - [00:29:59](#)

قصة عشان كده خلي بالك قوي من كل حركة من حركاتك. من كل سكة من سكاتك. اياك تاخذ حق حد. حق حد ان شا الله ايه ان شا
الله نواية بلح. حاجة بسيطة جدا. يعني ان شاء الله يعني ربنا بيقول ايه؟ لا يظلمون نقيرا - [00:30:25](#)

هو الفتلة اللي جوة نواية البلح اللي عاملة الرفيعة دي. عامل زي الفتلة النايلون كده. دي محسوبة وموجودة في ميزانك باقول الكلام
ده للي بيسسهل ياخذ حق الناس. خلي بالك ما لك يوم الدين دي اية - [00:30:51](#)

تتوقف عندها كتير اياك نعبد واياك نستعين. وخلي بالك انت لازم ما توصلش الايات ببعض. توقف عند كل اية. فربنا بيرد عليك خلي
بالك. انت بتقول الحمد لله رب العالمين - [00:31:11](#)

يقول حمدني عبدي. هو ما بيقولش عبدي اللي هو الحديث بيقول كده لان الحديث جنرال عشان نفهمه لكن حقيقة الامر ربنا هيذكرك
بالاسم. حمدني عمار حمدني وائل طارق حمدني عائشة - [00:31:34](#)

ماريان كل دول ما دام بتصلي ومسلم هيذكرك بالاسم انت متخيل ربنا يذكرك بالاسم اقف شوية بعد كل اية كده ريح. واستشعر الرد
جاي لك. الرحمن الرحيم. اثنى مش عبدي بقى خلاص هيقول اسمك. خالد. مالك يوم الدين - [00:31:59](#)

مجدتني هدى. ايه الجمال ده! انت في حوار قسمت الصلاة بيني وبين عبدي. اذا قال قلت كذا واذا قال قلت كذا. انت مستعجل
على ايه بتلبس بتممصص ليه انت بتضيع على نفسك فرصة ايه - [00:32:32](#)

ركز ده اهم مقابلة في حياتك واداك الفرصة تقابله خمس مرات كل يوم تقف بين ايديه على الاقل خمسة. وتكلمه يكلمك. ايه الروعة
دي اياك نعبد واياك نستعين يا رب لا استعين الا بك - [00:32:57](#)

اذا استعنت فاستعن بالله. الله! طب انا عيان ما اروحش للدكتور! انت لازم تروح للدكتور ليه؟ انت مش بتستعين بالدكتور لا انت

بتأخذ بالاسباب وهيكتب لك دواء لازم تاخذ الدواء لكن - 00:33:20

اياك تفتكر ان الدكتور بيخففك او ان الدواء هو اللي بيشفيك. ابدأ مريضين من نفس الجنس ولهم نفس السن وعندهم نفس المرض. بيعيوا بالمرض ده بيحجي لهم نفس الدكتور بيديهم نفس الدواء. واحد بيشفى والثاني بييموت. لا الدكتور ولا الدواء - 00:33:37
ربنا رب الدكتور ورب الدواء اياك نعبد واياك نستعين اهدنا الصراط المستقيم وخلي بالك كله ماشي جمع. انت بتتكلم بصيغة الجمع. انت بتتكلم بالنيابة عن عن المسلمين اصل الدين ده دين الجماعة ده مش دين افراد. انت مطلوب منك تصلي خمس مرات في جماعة - 00:34:05

قدر الامكان صلي في البيت جماعة يا سيدي. تعال المسجد جماعة. يبقى انت كده عندك مقابلة اجتماع مع اهل المنطقة شارع خمس مرات كل يوم احضر منه اللي تقدر عليه. حاول تحضر اكبر عدد ممكن من الاجتماعات دي - 00:34:41
الصلاة ده ده تجمع وبعدين السنة انه تغلق المساجد الصغيرة وتفتح الجامعة يوم الجمعة. ليه؟ لان ده اجتماع اهل الحي. انت عارف المسافر لا جمعة له. هو مش من اهل المنطقة - 00:35:02
ده اجتماع اهل الحي. ثم السنة ان في العيد تغلق كل الجوامع ويصلى في الخلاء. ده اجتماع سنوي لا سنوي ايه؟ نصف سنوي. ما هو مرتين في عيد الفطر وعيد الاضحى - 00:35:22

لاهل الايه؟ البلد بيطلع اهل مصر الجديدة كلها اهل مدينة نصر كلها. يجتمعوا كلهم بقى. ماشي؟ اهل المدينة اهل القرية ثم هناك جنرال السيمبلي جمعية عمومية لمسلمين العالم كل سنة تقام في مكة - 00:35:46
في الحج وعليك مرة في حياتك انك تسعى لان تكون ممثل عن بلدك و عضو في هذه الجمعية العامة لمسلمين العالم ده دين جميل. لزلك سبحان الله الواحد يروح يحج ويرجع. تقول له جبت ايه؟ جبت بطاطين وجبنة من بن داوود مروحة وجبنة - 00:36:10
يا ابني جبت ايميل حد جبت تليفون ما شفتش هناك مسلمين من ماليزيا؟ شفتنا طب من الصين شفتنا من امريكا شفتنا اتعرفت على حد رايح اجتماع عالمي لمسلمي العالم. ازاي ما ما نستغلش هذا الاجتماع بنشر الحب والونام والتعارف - 00:36:34
الصلاة على احوال بعض واخبار مسلمين ميانمار ايه دلوقتي؟ طب مسلمين انتم عارفين المسلمين سريلانكا بدأ عندهم آآ موجة اضهاد خطيرة بقى لها حوالي اربع شهور واعتداءات شبه اسبوعيا عليهم مش دريانيين لما نقابلهم هناك يقولوا لنا اياك نعبد. انت بتتكلم بالنيابة عن مسلمين العالم - 00:36:56

واياك نستعين اهدنا الصراط المستقيم. اعلمك تدعيه ازاي؟ تدعو ازاي؟ تدعو بايه ايه بالامور الاخرية؟ مش يا رب اديني مليون جنيه. يا رب اغير العربية. يا رب اتجوز فلانة. يا رب ايه الامور دي - 00:37:18
فوض ربك هو اللي يختار لك هيختار لك احسن حاجة. ادعي ربنا بالخير الكل عاجله واجله في الدنيا والاخرة وفوضه. ما تحددلوش يمكن اللي انت بتحدده ده مش كويس وانت مش - 00:37:38

فعلك تدعو اهدنا الصراط المستقيم. صراط الذين انعمت عليهم تذكر بقى الذي انعمت عليهم دول المؤمنين والمهاجرين والانصار والرسول عليه الصلاة والسلام. سيدنا عيسى ابن مريم والحواريين بتوعه وسيدنا موسى والمؤمنين اللي امنوا به وسيدنا نوح والناس اللي نجمت معه في المركب وسيدنا - 00:37:58

ابراهيم واقف انت الذين انعمت عليهم الاسلام ده مسيرة ماشية في التاريخ انت عضو من اعضاءه. انت من اللي ماشيين في المظاهرة الجميلة دي. مظاهرة الاسلام. الذين انعمت عليهم الاسلام القرآن - 00:38:28
عن علاقتك باخوك الانسان وعلاقتك بالاجيال السابقة والاجيال القادمة كل انت عايزها موجودة في القرآن. كل الاسئلة الكونية تجاب في القرآن اياك نعبد واياك نستعين. اهدنا الصراط المستقيم. صراط الذين انعمت عليهم غير - 00:38:48
المغضوب عليهم ولا الضالين. ده اللي هم مين؟ اليهود المسيحيين. يا سلام! وانت اتفرج عليهم مغضوب عليهم ليه رأوا الحق ولم يتبعوه. يبقى هم مغضوب عليهم عشان هم يهود. وانت لو رأيت الحق ولم تتبعه. انت حلو - 00:39:16
الكلام ده منين المغضوب عليهم. كل من رأى الحق ولم يتبعه كاليهود لكن لو واحد اسمه مصطفى وواحد اسمه محمد ورأى الحق ولم

يتبعه. هو اهل ايضا لن يحدث له نفس الشيء - [00:39:39](#)

لو القرآن بيكلمنا عن اليهود ويكلمنا عن بني اسرائيل عشان دي قصص نتسلى بها مثل الذين حملوا التوراة ثم لم يحملوها كمثل الحمار يحمل اسفارا نقرأها ونضحك طب واللي حملوا القرآن ثم لم يحملوه. مثلهم كمثل الغزلان يعني اخطرت - [00:39:55](#) ده كتاب اعزم ولا الضالين. كالمسيحيين وغيرهم. وياما مسلمين ضالين فما تفتكرش ان ربنا يقول لك القصص دي مش تتفرج على الناس لا القرآن نازل لك انت تستفيد من الامم السابقة ومن العبر دي كلها امين استجب يا رب. احنا بقى لنا نص ساعة بنتدبر في

الفاحة - [00:40:23](#)

كنا بنقرأها في سانية. تدبرها وركز في معانيها. واختار اية. سورة قصيرة اللي عايز يقرأ حاجة جميلة بخصوص الموضوع ده هي اللي انا محضر منها الدرس. مقالة اسمها صلاة ركعتين - [00:40:54](#)

للشيخ علي الطنطاوي في كتاب اسمه فصول اسلامية. المقالة دي لما قريتها تلتاشر صفحة. غيرت حياتي بجد فهي موجودة لو كتبتها صلاة ركعتين علي الطنطاوي هتنزل لك. والدرس ده موجود باسم روح الصلاة - [00:41:14](#)

ان شاء الله يعني هينزل برضه الاخوة ينزلوه. اختر اية الشيخ الطنطاوي اختار سورة الماعون ولك ربنا اتكلم فيها عن نوعين من الناس. المؤمنين والكافرين. رأيت الذي يكذب بالدين فذلك الذي يدع اليتيم. يعني ده بيكذب بالدين ووصل به الحقارة انه حتى -

[00:41:40](#)

هو بيضطهده. بيعامله معاملة سيئة. يدعو اليتيم. ولا يحض على طعام المسكين يعني ايه يعني ما ما مش بيحث الاخرين على اطعام المسكين. ده ممكن يكون هو بيطعم المسكين خلي بالك. لكن - [00:42:10](#)

مش كفاية. انك تطعم المسكين مش كفاية. يجب العمل عمل جماعي. ونشتغل مع بعض عمل جماعي في مؤسسة رسالة في بنك الطعام في عمل جماعي من اجل المساكين ونحث الناس على التبرع - [00:42:30](#)

فدي مش افراد ده دين جماعة خلي بالك ده دين ناس عايشة مع بعض مش كل واحد عايش لوحده. ولا يحض على طعام المسكين. فويل للمصلين دول مسلمين اهم الذين هم عن صلاتهم ساهون. كانوا بيصلوا زي ايه؟ زي ما احنا كنا بنصلي قبل - [00:42:48](#)

مش هنصلي كده تاني. احنا هنصلي بتركيز. هم. مش هناخر الصلاة. الصلاة في معادها وبتركيز وبتدبر الذين هم يراءون يتمنظره قدام الناس. رايح يصلي جاي من الصلاة بعد ما يخلص يقف يصلي بقى يعني اما اصلي بقى ركعتين السنة - [00:43:12](#)

قدام الناس احسن بعدين الناس تفتكر وهو ما بيصليش السنة. طب ما تصلي في بيتكم السنة. ايه يعني؟ صايم. تيجي تقدم له حاجة يقول لك يا شيخ اصل انا صايم. اصل انا متعود دايم انتين وخميس لازم اصوم. سقفوا له يا جماعة. صايم. يراؤون - [00:43:37](#)

ويمنعون الماعون ماعون المواعين؟ واحد يقول لك اديني آآ طاسة واعمل فيها بيض وارجعها لك تاني. مش هتكلفك ولا حاجة خالص لا احنا اسفين جدا اصل احنا ما عندناش طاسة. الله! يعني حتى الخدمة اللي مش مكلفاه حاجة مش عايز يعملها - [00:43:57](#)

ناس جلدة. ابوة ما هو معناها يمنعون اقل القليل الحاجة اللي مش مكلفاه حاجة. ماعون كده ايه؟ ماعون طبعاً لي معنيين. معنى ماعون يعني المعونة ومعنى الماعون يعني المواعين. حاجة بسيطة ترجع لك تاني برضو لآ - [00:44:18](#)

عمال تتدبر. طبعاً ده كده زكر مين؟ الكفار. طب فين المؤمنين؟ زكرهم بمفهوم المخالفة. ما انت لما تعكس بقى تلاقي الصورة دي هي هي تاني بتديك معاني اخرى رأيت الذي يكذب بالدين بمفهوم المخالفة؟ رأيت الذي يصدق بالدين؟ فذلك الذي يدعو - [00:44:38](#)

بمفهوم وخلفة فذلك الذي يكرم اليتيم. وتأخذها بمفهوم المخالفة وتشوف بقى الفرق وياه المطلوب منك. الذين يحضون طعام المسكين مفهوم المخالفة. اجمل حاجة دي تدبر. خشوع عمال يزيد يزيد يزيد - [00:45:03](#)

على التدبر طيب زود بقى على الخشوع اللي في اللي عمال يزيد في القلب ده والبطارية اللي عمالة تشحن دي تقوم مزود عليها حته خشوع فيزيكال شوية اعمل حركة توري خشوع اكثر. الله اكبر واركع. موطي - [00:45:23](#)

زاوية قايمة كده. وبتقول ايه؟ سبحان ربي العظيم. سبحان ربي العظيم وانت زالل نفسك خلي بالك انت موتي وبتعظم ربنا وانت موربه بتوري ربنا خشوع كمان مش بس خشوع معنوي عمال يزيد جواك. موطي في الارض كده. سبحان ربي العظيم! وبعدين بتقف

سمع الله لمن حمده. ربنا ولك الحمد. ايمان. حد عمره فكر فيها؟ مين بيقول لمين سمع الله لمن حمده. ومين بعد كده بيقول ربنا ولك الحمد؟ الشيخ الطنطاوي بيقول لك وكأن الخشوع اللي - [00:46:18](#)

انت عمال تكسبه في الصلاة بيدخل جواك وبيكلمك انت بلسانك وبيقول لك خبر حلو ايه؟ سمع الله لمن حمده. في اللحزة دي ربنا هيسمع للي يحمد تقوم انت بسرعة تبادر وبكل الفرح وتقول ربنا ولك الحمد. خشوع زايد - [00:46:38](#)
عمال يزيد الله اكبر وانزل بقى في وضع هو اقصى وضع في الدنيا بيوري الخشوع والتذلل والتعبد وضع السجود تضع انفك وجبهتك علامات الكرامة الارض في التراب لله عشان لما احطهم لله مش هتخطهم لاي حد ثاني. مش هتتزل لحد ابد من كان يريد العزة -

00:47:05

لله العزة جميعا وامتى بقى حاطط يقول لك ده مناخيره في السما علامة الكرامة وانت حاططها في الارض لله في اقصى وضع واصغر وضع بيوري التذلل والخضوع بتعظم ربنا وتقول سبحان ربي الاعلى - [00:47:41](#)
سبحان ربي الاعلى وانت في اسفل وضع سبحان ربي الاعلى الله اكبر وتقعده. الله اكبر. وكان ثاني تسجد وتعظم ربنا. وسبحان ربي الاعلى سبحان ربي الاعلى. شف مين هيتجنن بقى دلوقتي - [00:48:08](#)

الشیطان وايه الموضوع احنا بنخشع زيادة النهاردة خش لك بقى. خلص. البرنامج اللي انت بتتفرج عليه قرب بيتدي الماتش المذاكرة شغل تقولش يعني الدقيقتين ثلاثة الزيادة دول هم اللي هيقفوا الدنيا كلها. يخش بقى ايه فانت محتاج - [00:48:33](#)
سوريان مطواة ومفاتحها مدي له طعام هي دي الله اكبر الله اكبر شعارك في الصلاة. بتقوم فاتحها وتكب. الغريب بقى يبجوا يترجموا الله اكبر يقول لك الله ازكريت الله يا جماعة غلط الله اكبر ترجمتها ايه؟ الله - [00:49:00](#)

الله اكبر يقول لك لأ ما ينفعش ترجمها كده. ليه؟ اصل الناس مش هتفهم. كده جملة ناقصة. طب ما هو بالعربي برضو جملة ناقصة. الله ما هو بالعربي برضو الله اكبر جملة ناقصة. يكملها موقف - [00:49:30](#)

انا في الحرب بقول الله اكبر العدو بطفي النار الله اكبر من هذه النار في الصلاة الله اكبر منك يا شيطان ومن كل شيء انت تأتي لتحاول ان تذكرني به - [00:49:47](#)

شتتني. الله اكبر ده شعارك في الصلاة اللي بتقاوم به الشيطان. وهو ما بيهدأش. بياخدها الايه؟ الطعنة دي. وشوية يقوم راجع لك ثاني. تقوم مدي له الله اكبر ثاني. هو كده. الله اكبر. وتقف. وتتدبر الفاتحة ثاني. الحمد لله - [00:50:08](#)

تذكر نعم ربنا اللي انت عارفها واللي انت مش عارفها. وتذكر نعمة الاسلام. رب تذكر نعم ربنا علينا وتربية ربنا واعطاء ربنا ونعمه علينا. العالمين كل شيء مش احنا بس. الرحمن الرحيم واثر الاسمين الجمال - [00:50:32](#)

عليكم وعلى وعلى حياتك ما لك يوم الدين. تذكر الحساب والجنة والنار اياك نعبد واياك نستعين لا نخشى الا الله. لا نعبد الا الله لا نستعين الا الله لا نطلب الا من الله. اهدنا الصراط المستقيم - [00:50:52](#)

صراط الذين انعمت عليهم تذكر الاجيال السابقة من المؤمنين من لدن ادم لغاية النهاردة. النجوم وزى ما قلنا غير المغضوب عليهم ولا الضالين امين. نقي كمان سورة الشيخ الطنطاوي نقي صورة رائعة. صورة والعصر. قال فيها الامام الشافعي رحمة الله عليه انه لو لم -

00:51:22

يتنزل من القرآن غيرها لكفت الناس جميعا. ليه؟ لانها دستور للافراد والجماعات والعصر ان الانسان لفي خسر. والعصر مع الوقت ان الانسان لفي خسر. الانسان في حالة خسارة مستمرة. خسرت طفولتي. خسرت شبابي. باخسر صحتي كل يوم - [00:51:52](#)

في وقت معين هخسر حياتي. انا في حالة خسارة مستمرة مع الوقت. كلنا خسرانيين لأ الا الذين امنوا وعملوا الصالحات. دول في حالة مكسب مستمر عمل فردي ايمان عمل فردي. عمل صالح ممكن يبقى عمل فردي او عمل جماعي. بس اللي جاي بقى عمل جماعي.

00:52:26

وتواصوا بالحق - [00:52:26](#)
نوصي بعض بالحق. نذكر بعض بالحق. نحث بعض على الحق وتواصوا بالصبر بالصبر مفتاح النجاح هو الصبر. حتى قالوا ان الصبر

نصف الاخلاق كلها والصبر انواع. الصبر على المصيبة. الصبر على - [00:52:53](#)

الصبر على المعصية صبر على النعمة الصبر على المصيبة واحد عامل فيها شيخ وبتاع واول ما يحصل له مصيبة يجزع. بيان على حقيقته. الصبر على المصيبة هو الكاشف الذي يكشف حقيقة الايمان بالقضاء والقدر - [00:53:24](#)

الصبر على الطاعة رايح جاي المسجد ورا وقايم الساعة اربعة ونص وبيتوضا ده محتاج صبر ويقف يقوم الليل ده محتاج صبر. الطاعة معها نوع من الصعوبة تحتاج صبر عليها واصبر نفسك مع الذين يدعون ربهم بالغداة والعشي يريدون وجهه. الصبر على الطاعة. والصبر على المعصية - [00:53:46](#)

النهاردة المعصية بقت سهلة بدوسة زرار معاصي. دوسة زرار معاصي شغالة والمعاصي بيحلوها لك ويسموها اسماء تانية غير المعاصي الخمرة بيسموها مشروبات روحية. تقولش يعني دورة التربية الروحية. ما هو روحية يا سلام على الروحانيات - [00:54:16](#) اللي بيبقى فيها الانسان لو شرب خمرة يعني غيروا ركزناها اه. اه مش عارف برنامج ايه ، مش عارف ايه ، النجوم. النجوم دول بيحثوا الناس على المعاصي النجوم هم اقزام - [00:54:40](#)

فالمعاصي بقت سهلة محتاجة صبر وهناك اصعب نوع من انواع الصبر. الصبر على النعمة. ياه! اصعب اختبار لسيدنا يوسف مش لما تأمروا عليه ولا لما رموه في البير ولا لما اتباع عبد ولا لما آآ يعني حاولت انها امرأة - [00:54:57](#) انها تغرر به او انها تغويه. ولا لما اتسجن زلم اصعب اختبار لما بقى هو عزيز مصر التمكنين اصعب شيه. الغني في وضع اصعب بكثير من الفقير. الفقير ما قداموش غير انه يصبر - [00:55:22](#)

الغني صعب اوي انه ما يبقاش مسرف. فيه ناس ما عندهاش مائة خالص فيه ناس قريبة منا على بعد خمسين كيلو من هنا ومية كيلو من هنا بيمشي كل يوم اتنين كيلو بالجركن فاضي عشان يملى الجركن عشرة لتر - [00:55:45](#) ويطبخوا ويستحموا ويشربوا منها. وانت بتقف الصبح عشان تغسل سنانك. بتنزل ثلاثين لتر عشان حضرتك ماشي تقفل وانت بتغسل سنانك فمحتاج صبر انك تذكر نفسك بنعم ربنا وعدم التبديد عدم تبديد المال عدم تبديد الماء عدم تبديد - [00:56:05](#)

اي شيه ده ربنا بيقول كلوا واشربوا ولا تسرفوا. الماية بتشربها بيقول لك ما تسرفش. ده انا باشربها مش بنزلها كل واحد منا الصبح بيصحى يستحمى. واللي فيكم بيحلق واللي فيكم بيغسل سنانه. خلاص ضيع بالزبط كده - [00:56:28](#) في حدود التلتमित لتر مية. حسبناها. انا عندي حلقة اسمها من بعد الصلاة فيها الحتة دي. حسبناها. كل واحد بينزل كم لتر على الفاضي الصبر ثم الخشوع بيزيد الله اكبر ركوع الله اكبر - [00:56:48](#)

سمع الله لمن حمده ربنا ولك الحمد. الله اكبر سجود الله اكبر. سجود الله اكبر. بنقعد نستعد انهاء المقابلة. خلاص الركعتين خلصوا. كما بدأت المقابلة والاجتماع بتحية ينتهي بايه تحية التحيات لله والصلوات والطيبات. ثم ياذن لك الله - [00:57:07](#) ان تحيي النبي صلى الله عليه وسلم وكأنه حاضر. السلام عليك ايها النبي رحمة الله وبركاته. مع انه ميت ياذن لك ان تحييه. وان تسلم عليه. السلام علينا سلم على نفسك تستحقهم بعد الركعتين دول. وعلى عباد الله الصالحين اللي واقفين معك في الدائرة - [00:57:37](#)

فمن غلي سريلانكا في المكسيك جدد البيعة مع الله اشهد ان لا اله الا الله واشهد ان محمدا عبده ورسوله اتباع لسنة النبي عليه الصلاة والسلام. ثم بنختم الصلاة بدعاء - [00:58:07](#) اللهم اني اعوذ بك من النار. اللهم اني اعوذ بك من عذاب القبر. اللهم اني اعوذ بك من فتنة لا المحيا والممات. اللهم اني اعوذ بك من فتنة المسيح الدجال. ولكن - [00:58:37](#)

دايما قبل الدعاء تبدأ بايه؟ الصلاة على النبي عليه الصلاة والسلام. فقبل ما تختتمها تصلي على رسول الله بافضل صيغة من صيغ الصلاة عليه. وهي الصلاة الابراهيمية فقبلها تقول اللهم صل على - [00:58:51](#)

محمد وعلى ال محمد كما صليت على ابو الانبياء. ابراهيم على ال ابراهيم بالفرعين نازلين منه من الانبياء. فرع العرب ومنهم الاسماعيليين اللي هم الاسماعيليين منهم سيدنا محمد عليه الصلاة والسلام وفرع بني اسرائيل امة مسلمة تلت تلاف سنة فيهم عصاة

وفيهم مؤمنين وفيهم انبياء اللهم صل على ابراهيم وعلى ال ابراهيم. وبارك على محمد وعلى ال محمد. كما باركت على ابراهيم
وعلى ال ابراهيم في العالمين انك حميد مجيد. السلام عليكم ورحمة الله. السلام عليكم ورحمة الله - [00:59:34](#)

اهلا بك في كوكب الارض. انزل بقى تعبتها. تعال على الكوكب ثاني بقى. انت كنت دلوقتي الصلاة معراج المؤمن دي كلمة النبي عليه
الصلاة والسلام. يعني انت تعرج الى الله في هذه الصلاة - [00:59:58](#)

انت نازل على كوكب الارض ثاني دلوقتي. تمارس مهامك كخليفة وعند ميعاد الصلاة اللي بعدها ارحنا بها يا بلال. يعني ايه؟ الصلاة
نوعين. الصلاة بتريحك. وصلاة بتستريح منها الصلاة اللي بتريحك هي اللي انت قاعد مستنيها. فاضل دقيقتين ثلاثة يلا دلوقتي ارحنا
بها يا بلال. يبقى قاعدين مستنيينها. الصلاة اللي - [01:00:14](#)

نريح منها هي اللي يا نهار ابيض ده فاضل خمس دقائق على العشاء قوموا بسرعة نلحق المغرب. الله اكبر خلصنا؟ الحمد لله ايه ده
دي سارة انت بتستريح منها. مش دي الصالة اللي احنا عايزينها. احنا عايزين صلاة النبي عليه الصلاة والسلام. الصلاة اللي بتريحنا
اللي هي ارحنا بها يا بلال - [01:00:43](#)

يبقى الواجب بتاعنا من الاسبوع ده تدبر القرآن كل يوم في حدود الساعة نص الصبح ونص بالليل اذكار الصباح واذكار المساء بتدبر
ورد اللاحاج. كل يوم تسأل ربنا يصلح قلبك. دعاء الحب - [01:01:03](#)

اللهم اني اسألك حبك وحب من يحبك الى اخر الدعاء والصلاة بتدبر والصلاة بخشوع من هنا ورايح. خلاص الصلاة القديمة دي
خلاص. هنصلي بطريقة جديدة زي ما بقينا اقرأ القرآن بطريقة جديدة. زي ما هي نذكر ربنا بطريقة جديدة - [01:01:31](#)

حاجة مهمة جدا يا اخوان. من من هذا الاسبوع بدأنا حياة جديدة. وآأ اذكركم مرة اخرى انه الاسبوع القادم من يوم السبت الصبح
هتقطع قراية قرآن واذكار لغاية ما تيجي لي يوم الحد - [01:01:56](#)

كان نسمع شعورك ايه؟ عايزين نعرف وبعض الاخوة الاخوة وعلى فكرة هيتصوروا بالكاميرا بعض الناس. طبعا ده الناس اللي مواظبة
معنا اسناء الدورة هي اللي تصور مع الاخوة قبل الصلاة وبعد الصلاة. ايه مشاعرها لما انقطعت عن القرآن - [01:02:16](#)

عشان الكلام ده عايزين نكرره في بورسعيد في السويس في القليوبية في اسكندرية فالناس تشوف مشاعرهم وان شاء الله لو كان
فيها خير نعملها ان شاء الله في محافظات اخرى. اذكركم بدورة - [01:02:34](#)

كيف تحاور ملحدنا هنعلمها مؤسسة جسور هنعلمها من يوم ثمانية وعشرين وتسعة وعشرين وتلاتين المحاضر الرئيسي فيها دكتور
عمرو شريف وانا هكون بساعده في ثاني وفي تالت يوم. والاخوة من مؤسسة جسور موجودين معنا وهيكونوا موجودين خارج
المسجد - [01:02:54](#)

بازن الله - [01:03:14](#)